

欽定全唐文

卷四百十三

卷四百十四





欽定全唐文卷四百十三目錄

常袞

四

授韋覃萬年縣令等制

授楊晉洛陽縣令制

授柳子華昭應縣令制

授李抱玉河西等道副元帥制

授王縉侍中兼河南都統制

授李業節度使制

授路嗣恭洪州觀察使制





授崔瓘自澧州刺史除湖南觀察使制

授李栖筠浙西觀察使制

加江西魏少遊刑部尚書制

加朱希彩幽州管内觀察使制

授辛杲京湖南觀察使制

授杜濟東川防禦使制

授柏貞節夔忠等州防禦使制

授辛德謙丹延團練使制

加韋之晉御史大夫制

授崔昭宣州團練使制

授陳少遊浙江東道團練使制

授魏少遊洪吉等州團練使制

授象武感壘宕等州團練使制

授獨孤問俗鄂岳等州團練使制

授李昌峿辰錦等州團練使制

授李正己青州刺史制

授論惟清朔方節度副使制

授李抱玉開府儀同三司制



授鍾庭光開府儀同三司制

授李秀璋開府儀同三司制

授張自勉開府儀同三司制

授論誠信等開府儀同三司制

授杜冕開府儀同三司制

授吳承倩內侍省常侍制

欽定全唐文卷四百十三

常袞四

授韋覃萬年縣令等制

勅朝議郎行尚書工部員外郎賜緋魚袋韋覃朝奉郎行尚書倉部員外郎上柱國賜緋魚袋徐演等器行純備文以彰之尤通政體必本經術直道以進當官而行執憲字人早揚厥職自參俊茂之選各舉彌綸之要遵我風化始於京邑素稱雄劇今則倉廩空虛戎車未寧兵食屢調稅有倍征之重用過經費之數公私抗弊人戶離邊雖難理



欽定全唐文 卷四百十三  
之任又屬艱虞而制事之宜亦有工拙苟或貞介純白端誠奉公恭敬以仁明察以斷不虐鰥寡不阿貴強以茲撫馭庶有蘇息擇才而授政豈遠哉俾爾化神臯之俗分司隸之路考其能否當有遷黜勉思誠勅以副憂勤覃可守萬年縣令散官勳封如故演可守長安縣令散官勳賜亦如故

授楊晉洛陽縣令制

勅朝議郎守尚書金部郎中楊晉性方行純識敏才達本以經術通於理體和而中禮善不近名仙署迴翔士林淮

重字人京邑多選臺郎風雨所會俾分洛師之劇桴鼓不鳴佇繼董宣之政可守洛陽縣令仍賜緋魚袋散官如故

授柳子華昭應縣令制

勅朝議郎前守池州刺史上柱國賜緋魚袋柳子華藻飾以文周通於事剛腸正色奉法無私臨難而忠義侃然處煩而典禮不易頃者守春秋鵲岸之地介東南牛渚之險旣明且察更不敢欺大姓悅從伏戎散落政殊績異風俗一清地雄神臯秩視京縣國朝舊制亦以刺郡入補副子良選惠此疲人可守京兆府昭應縣令散官勳賜如故



授李抱玉河西等道副元帥制

勅周以元老監方伯漢以丞相撫四夷則軍國之務中外一體自華陽而西至於隴坂涉河之右兼控五原總三將之師專萬里之寄詰禁經武宜有統制憂邊謀帥深仗輔臣開府儀同三司行兵部尚書同中書門下平章事潞州大都督府長史知鳳翔府事充懷鄭澤潞觀察處置等使仍充南道通和吐蕃秦隴臨洮已來觀察處置等使上柱國涼國公李抱玉文以經邦德以鎮俗孝友忠信人之模表禮樂刑政朝之訓式以道匡朕允升大猷參聽斷之可

否載清靜以寧一兼委戎旅屏於方夏知謀變化潛合神明將校悅從親如父子事出韜鈴之外功成戰伐之前勤勞王家以衛社稷有致君庇人之績冠旂常彝鼎之銘願以國之憑倚久任憂患兵車之半悉以咨之當不憚煩以時鎮定也可兼充山南西道觀察處置支度營田等使判梁州事隴右懷鄭澤潞等使如故充山南西道河西隴右等道副元帥

授王縉侍中兼河南都統制

門下天地之德資陰陽以成功帝王之道任將相而興化



欽定全唐文 卷四百十三 常袞  
聿求左輔命掌元戎必藉文武之才用經軍國之務金紫  
光祿大夫行黃門侍郎同中書門下平章事兼宏文館崇  
元館大學士知館事仍充太清太微宮使太原縣開國伯  
王縉有高妙之行有宏達之識學該古訓文正國風夢帝  
賚予濟川用汝百揆時敘四維克張累陳造膝之言彌契  
沃心之道濱海之右自河而南王旅攸同戎車殷會監於  
方伯之國利用建侯之師天將息人予有禦侮鎮漢沔淮  
淝之地統齊梁宋鄭之軍總制高牙紀綱羣帥宏七伐四  
征之策成一匡九合之功式遏外虞底綏多難將授銅符

之律爰咨瑣闥之謀往哉汝諧無替朕命可侍中持節都  
統河南淮南淮西山南諸道節度行營事仍進封郡公食  
邑二千戶餘並如故主者施行

授李業節度使制

前河東節度使李業宗室誠臣幹時良傑傳山西之將畧  
襲隴右之家聲可授鄭滑節度使

授路嗣恭洪州觀察使制

勅朕以守將之重兼文武之寄休否得失實繫於茲至於  
海隅爰及鰥寡每以康濟爲念終夜永懷所以方面久缺



難於授任今大張藩政高選公卿銀青光祿大夫檢校戶部尚書知省事上柱國陳留縣開國公路嗣恭以仁義成準以清公致用練法修制可以宣明紀綱好謀全節可以協定危難素精吏事連辟宰府歷位忠恪始終秉彝城彼朔方靖我疆土早貳六官之秩再分五曹之座議刑必中敷教亦寬休望華資積於久次大江之外封畧曠遠用達憂勤之旨屬於親重之臣授以藩符建茲戎旆仍委廉課俾揚風聲夫潔其流者清其源正其末者端其本奉爾所守敬無廢命可使持節都督洪州刺史充江南西道都團

練觀察處置等使檢校戶部尚書及散官勳封如故

授崔瓘自澧州刺史除湖南觀察使制

勅刺史案部外廉數州遵俗宣風所繫尤重今海內甫定方澄化源綱理郡縣大明黜陟安人之寄歷選惟難必二千石職連最者處之曉然明勸以訓天下銀青光祿大夫前澧州刺史兼侍御史上柱國義豐縣開國男崔瓘嘗守江潭有清靜簡易之化勤儉約已精誠感物小大之政必躬必親本於人情參以事典出言而信出令而從訟獄衰止流庸還定息貪官之豪奪懲大姓之雄強歲無札瘥俗



欽定全唐文 卷四百十三  
致康乂及澧陽移鎮一其教理故郡黎庶靡然隨之望風  
欣然如得父母可謂明恕慈惠吏人之師也況本之以經  
術濟之以忠敬更於臺閣練達朝章而識畧沈達可以專  
方面之任自湘之東制以連率委之監郡兼亦訓戎彼都  
之人夙所愛慕參領中憲以綏一方可使持節都督潭州  
諸軍事潭州刺史兼御史中丞充湖南都團練守捉使及  
觀察處置等使仍兼充諸道營田副使知本管營田事散  
官勲封如故

授李栖筠浙西觀察使制

勅王制千里之外設方伯選諸侯賢者而命之俾其遵俗  
宣風大明黜陟今以刺史條察列郡西漢成式厥惟舊哉  
銀青光祿大夫常州刺史充本州團練守捉使上柱國贊  
皇縣開國子李栖筠資樸厚之性秉禮義之宗其學博而  
精其文簡而當明以辨政居官可紀秩更三署名重一時  
抗黃扉之論駁舉冬卿之典制自守毗陵尤精藩職初翦  
橫江之盜猶多擊柝之虞言撫傷殘克施惠訓清靜少欲  
以臨其人禮讓之風行於東國考其績用實最方州震澤  
之北三吳之會有鹽井銅山有豪門大賈利之所聚姦之



所生資於大才濟我難理加以中憲雄茲按部慎乃教令  
薄其征徭無倚法作威無割下附上勉副朝寄以綏一方  
可使持節蘇州諸軍事蘇州刺史御史中丞充浙江西道  
觀察使處置都團練守捉及本道營田等使散官勳封如  
故

加江西魏少遊刑部尚書制

勅古者外薄四海咸建五長所以考察風俗懋宣理化苟  
或副憂人之旨有稱職之名彰善陟明存乎著令金紫光  
祿大夫使持節都督洪州諸軍事行洪州刺史兼御史大

夫充江南西道都團練守捉觀察處置等使上柱國鉅鹿  
郡開國公魏少遊端慤精敏沈和貞簡秉心以直臨事不  
回五踐天臺必辨疑而取正三尹京邑不吐剛而茹柔守  
其至公休有令問自十連分寄九江作牧式是方隅不渝  
操履停車決訟閉閣生風明示昇黜蠲除疾苦清靜而百  
城自化講藝而三軍知禮定其賦稅之差勤於轉輸之役  
事必條理人皆便安亦既政成不資於周月遷其秩序豈  
待於滿歲宜分會府之坐載美方州之績可檢校刑部尚  
書洪州刺史御史大夫餘如故



加朱希彩幽州管內觀察使制

勅古以五長八使考察風俗彰善癉惡時而颺之則監部廉部其理也今之元戎有聲績優異者錫命兼領亦進律之制焉而又實其封邑蓋申之以明勸開府儀同三司試太常卿兼幽州大都督府長史御史大夫持節充幽州節度兼營田等副大使知節度事經畧軍使兼盧龍節度并管內支度營田及押奚契丹兩藩等使上柱國朱希彩貞方以合義純厚以納忠智謀濬發才識精辨作我垣翰保於幽燕講求刑禮以參軍政敦洽敬讓以和人心正其綱

條郡務大舉東罷渡遼之警北清戴斗之氣疆吏緩帶戎車稅鞅典從事簡方面以寧厥賦惟錯實於天府選勞則大銘在旂常勤職首公有光相寄委以連率加其真食懋乃勲節服茲寵章可兼充管內觀察處置使仍賜實封一百戶餘並如故

授辛杲京湖南觀察使制

勅觀察列郡之風督諸軍之事兼茲二柄守分一方其在素名俾之專任開府儀同三司試太常卿兼御史中丞同朔方節度副使上柱國晉昌郡王辛杲京居敬可久盡忠



欽定全唐文 卷四十三  
必誠精辦郡務通於典試謙恭下士齊其勞苦先帝簡拔  
五原從征嘗參領護早著勲節藩麾佐朕夷險一心關洛  
事平莫非勝謀累書忠於甲令終不言於賞勞尋掌南北  
之軍復貳河汾之鎮內外勤績厥惟茂哉憂國奉公每形  
於色牧人馭眾素有其才長沙故郡湘中千里往建南轅  
之旆仍領司空之秩訓戎遵俗寵以居之可使持節都督  
潭州諸軍事行潭州刺史兼御史大夫充河南都團練守  
捉及觀察處置使仍賜散官勲封如故

授杜濟東川防禦使制

勅左綿之東地方千里有被山帶江之險藉安人禦侮之  
能太中大夫檢校尚書駕部郎中兼侍御史充山南劔印  
副元帥判官勾當劔南東川事賜紫金魚袋杜濟明敏通  
識達於政理本以忠信飾之文學利器能斷長才多可累  
佐戎幕勤宣武經於蜀之疆積有邊效九伐之謀必勝三  
軍之士多師選在人望委茲藩守用能訓其師旅惠此閭  
閻俾參中憲之任兼茂臨戎之績可使持節梓州諸軍事  
守梓州刺史兼御史中丞充劔南東川防禦使散官賜如  
故



授柏貞節夔忠等州防禦使制

勅開府儀同三司試太常卿使持節邛州諸軍事兼邛州刺史御史中丞劔南防禦使及邛南招討使上柱國鉅鹿縣開國子柏貞節雅有器幹深於戎律蘊三畧以經武秉一心而事君蜀之西疆久典戎務惠和馭眾義勇安邊克勵公忠尤彰名節令聞休績良深嘉重山礮雄鎮江關要衝實藉兼才俾膺茲任佇申禦遏之用仍懋緝綏之術可使持節都督夔州諸軍事兼夔州刺史依前兼御史中丞充夔忠萬歸涪等州都防禦使本官勲封如故

授辛德謙丹延團練使制

勅上郡北地義渠故國臨制戎狄屏於關中當此襟要難於鎮守前朔方留後左廂兵馬使同節度副使開府儀同三司試太常卿兼御史中丞單于副都護充振武軍使上柱國辛德謙山西出將代有勲業長才偉畧主之以忠峻節明斷服之以禮頃者職貳留府朔陞分鎮橫絕大漠堅守孤城能詳武經載討軍實推以恩信濟其威懷士卒知方羌夷服化休有懋績著於北邊用勸勞臣俾膺重任委以藩事捍茲戎疆列在儲案之右參於憲臺之長中外兼



榮服我成命可試太子詹事兼御史大夫持節都督延州  
諸軍事兼延州刺史充丹延兩州都團練使守捉使散官  
勲封如故

加韋之晉御史大夫制

勅古有牧伯連率所以大明黜陟其後廉使監郡亦其任  
也奉六條詔書察二千石已下風化綱紀實所繫焉若居  
郡稱最則當遷復留以德授賜今或增秩存於令典銀青  
光祿大夫檢校祕書監兼衡州刺史御史中丞充湖南都  
團練守捉觀察處置等使上柱國扶陽縣開國男韋之晉

以道自處行成乎身言合精理文多雅興學以潤政當孔  
氏之徒忠而好謀得兵家之要委在方面實參戎重鎮衡  
陽之一都刺湘中之諸郡清靜廉簡以禮化之三老孝悌  
遵其德訓百城強猾服其威懷薄刑名以宣慈均賦役而  
恤隱地臨南越溪洞伏戎能清篁竹之封屢入苞茅之貢  
事各條理俗皆便安非大信至公何以臻此處風憲之長  
旌理行之尤彰善勸能允茲休命可兼御史大夫餘如故

授崔昭宣州團練使制

勅宣城鄣郡有牛渚采石之險江左多以護兵之臣鎮焉



國家舊制卽廉使之部任兼將守寄切於今始務靖人中  
符朝美銀青光祿大夫守右散騎常侍博陵縣開國子崔  
昭長才大畧濬發無前納忠事君強學濟吏何劇之不處  
何難之不居嘗領雍洛屬當殘弊令簡訟平官曹肅給懲  
姦攝暴都鄙以清風化可行於四方歌謠豈止於千里敬  
事憂國始終端誠再列貂行久承顧問從容喻旨軒闥增  
華方賴於左右羽儀以之匡益中外委遇其分一也急在  
要重時而迭之察俗訓戎歸於辨理參執閑邪之憲仍加  
馭貴之爵奉法遵職俾人易從可使持節宣州諸軍事宣

州刺史兼御史中丞充宣歙池等州都團練守捉及觀察  
處置等使并采石軍仍進封博陵縣侯食邑一千戶散官  
如故

授陳少遊浙江東道團練使制

勅東南一尉在吳越之境海隅蒼生連甌閩之俗旣分八  
使兼督諸戎錄勲任良以濟煩重朝散大夫宣州刺史兼  
御史中丞宣歙池等州都團練守捉及觀察處置等使上  
柱國賜紫金魚袋陳少遊寅亮肅清識通才達度於禮而  
舉得其中積於理而動必歸當參考經術交修政刑列三



台之郎吏首四方之俊選左輔內史嘗寄風化中軍大夫  
實毗鎮撫事任皆適聲華朗然自鄆郡分憂于湖申傲悉  
心以周務忘己以愛人舉綱條之目繕完守之備忠敏內  
緝服而不離威畧外懷親而不暴載清苛慝盡復流庸雖  
膠東之戶口八萬潁川之理行第一殆無以過也明試以  
功允茲章陟稱遷大鎮用表懋能仍副丞相以戒羣岳可  
使持節都督越州諸軍事守越州刺史兼御史大夫充浙  
江東道都團練守捉觀察處置等使散官勲賜如故  
授魏少遊洪吉等州團練使制

門下東分九江南控百越總兵車之會當水陸之衝式遏  
澄清實難其任金紫光祿大夫行尚書刑部侍郎上柱國  
鉅鹿郡開國公魏少遊當官而行直道而進有剛毅能斷  
之性守之以沖和有精密至察之才濟之以仁恕三尹京  
邑四方承流不私身以飾名多去秩之遺愛秋典貳職夏  
臺無寃海隅蒼生疇咨俾乂眷求良吏出守雄藩宜兼亞  
相之重式光連率之寄可使持節都督洪州諸軍事守洪  
州刺史兼御史大夫江南西道洪吉虔撫信袁江饒等州  
都團練守捉觀察處置及莫徭等使散官勲封如故



授象武感疊宕等州團練使制

勅開府儀同三司試光祿卿使持節扶州諸軍事兼扶州刺史攝節度副使扶文兩州招討團練使兼綿劍龍遂渝合普漢扶文等一十一州行營兵馬都虞候上柱國交川郡王象武感器幹識畧資之以經遠公忠廉謹守之而有常早探黃石之符久列朱轡之任外鄰戎境內撫疲民誠信不渝威懷相濟克懋分憂之化尤昭式遏之勲右地數州尚多艱阻將諭朝旨以綏邊虞不有兼才孰能成務俾參戎重之副仍賜賞延之寵可試殿中監使持節疊州諸

軍事兼疊州刺史充本州團練守捉使兼充疊宕兩州招討使同隴右節度副使仍與一子六品官賜緋魚袋勲封如故

授獨孤問俗鄂岳等州團練使制

勅荆吳邊帶之口江漢朝宗之會尚有戎備難於任人外攘內撫文武迭用銀青光祿大夫試祕書監壽州刺史兼侍御史本州團練守捉使及諸道營田使知本州營田事上柱國獨孤問俗才暢於理識通於政居之以簡敬濟之以廉能中朝清秩更於獎拔外臺雄鎮多所典領嘉績休



聲較然明著壽春之課尤最當時守於一郡未展其用可  
以倚辦煩重保綏險要督數郡之戎事參中司之憲列陟  
明增秩懋爾在公可使持節都督鄂州諸軍事鄂州刺史  
兼御史中丞充鄂岳沔等三州都團練守捉使散官勲如  
故

授李昌岨辰錦等州團練使制

勅彊楚之裔古之蠻方雜武谿之種落通夜郎之邊壤唐  
蒙開道馬援南征卽其地也國朝舊制方數千里悉統於  
連帥今以遐濶難守遂分督以綏之正議大夫試光祿卿

前兼海州刺史李昌岨素有識畧達於事體剛柔相濟文  
武中立居職可紀實浮於名迺者以幹時之才刺瀕海之  
郡惠和簡潔所謂理平思我遠人眷求良吏撫辰陽之舊  
俗攘縣道之多虞訓戎數州俾爾專任參領中憲式榮按  
部可試祕書監使持節都督辰州諸軍事辰州刺史兼御  
史中丞充辰溪巫錦業等五州都團練守捉使散官如故

授李正己青州刺史制

勅平盧淄青節度都知兵馬使權知節度副使事開府儀  
同三司試太常卿兼御史中丞上柱國趙郡開國公李正



欽定全唐文 卷四百十三  
已蘊經遠之方有盡忠之節雅擅韜畧尤通政理任兼文武誠貫等夷海岱之間兵車所會嘉績明著濼淄其又實藉循良符節之寄允茲僉屬必能敬事愛人以康流弊宜膺寵授用副分憂可使持節青州諸軍事兼青州刺史餘竝如故

授論惟清朔方節度副使制

勅銀夏綏麟等四州兵馬使同朔方節度副使開府儀同三司前行銀州刺史兼御史中丞歸德州都督武威郡王論惟清智謀沈果政理甄詳睿忠之誠表於奉上幹事之

用聞於在公佐戎律以成師布藩條而訓俗翟土開闢閭陰底寧威懷相濟聲實惟允晉之北鄙地卽隰州介於河汾當此會要憂分式遏實藉良能宜兼中憲之榮式寵外臺之寄可使持節隰州刺史兼御史中丞歸德州都督充本州團練守捉使同朔方節度副使散官封如故

授李抱玉開府儀同三司制

門下秉德者必先於沖讓報功者亦資於禮秩遂其所執以彰明哲之心存其所賞以稱勲賢之策則勞臣知勸羣議允從兵部尚書同中書門下平章事潞州大都督府長



史知鳳翔府事充陳鄭澤潞觀察處置等使仍充南道通和吐蕃秦隴臨洮以來觀察處置等使上柱國李抱玉風雲所感挺此人傑文武相濟弼於朕躬竭股肱而宣力敷心腹而納誨道高可以諮訪言惠可以底行鎮撫四夷旌麾授其二柄決勝千里法令齊於一人端誠馭眾律畧安邊究詩書之義府修德刑之戰器故使剛者有禮勇者有方三軍可用九伐皆剋西戎卽敘中夏底寧而又精心吏職諭我朝旨茂周原之多稼省隴右之外徭老少安懷遠邇和洽社稷之衛邦家之光嘉乃丕績肆於時夏冲而不

盈泰而彌損累執范宣之志不言馮異之功辭禮閣之端右罷王畿之戎號足以光昭史冊軌度摺紳今之儀同未曰優異以其遜職是有進階式從彝序無替成命可開府儀同三司餘並如故

授鍾庭光開府儀同三司制

勅鳳翔節度下歸順羌首領部落副使保寧州都督特進守右羽林軍試太常卿鍾庭光夙承勲望早勵誠勤自屬艱虞備申効用旣臨危以見節亦因事以成功率先歸懷丹款昭著益表自新之志允茲從重之賞禮優八命秩比



三司宜茂寵章式疇勲則可開府儀同三司餘如故

授李秀璋開府儀同三司制

勅儀亞槐庭寵分茅社議功而賞舊典斯存河西觀察判官特進檢校左散騎常侍兼泗州刺史上柱國李秀璋識慮深遠理懷明濟勁節不奪長才有餘湟中絕塞久毗戎幕車師前部仍領藩條萬里孤軍十年連戰主畫以貞師律推誠而得士心摧兇陷堅勝捷相繼軍吏緩帶邊人反耕緬思忠勞益用嘉歎宜進秩於八命更褒封於五等可開府儀同三司仍封隴州縣開國男餘如故

授張自勉開府儀同三司制

勅淮西節度都虞候特進試太常卿上柱國張自勉體仁以成勇徇節以臨戎職在刺奸威屬整旅齊軍令之進退明師律之否臧南靖江黃北啟申息邊虞載戢亭候肅然舍爵議榮實居其右承景風之章敘比公府之命秩可開府儀同三司餘如故

授論誠信等開府儀同三司制

勅大將軍論誠信等咸有將才早彰臣節或往參締構業著總干或近歷艱難勲高負勒錄功行慶啟號覃恩宜疏



五等之封更寵三司之任誠信可開府儀同三司

授杜冕開府儀同三司制

門下禮優八命秩比三台名器之崇勲賢所屬特進試太常卿使持節鄜州諸軍事兼鄜州刺史御史中丞充鄜坊等五州都防禦使上柱國鄭國公杜冕植性剛毅立誠忠烈夙有將帥之才早知軍旅之事任當禦侮政在親民宣七德以臨戎頒六條而訓俗地臨上郡時屬多虞軍令惟行高懸賞罰之柄王師所處不敗商農之業戎軒屢捷郊壘用寧制勝功高緝綏課最加以命數抑惟典常可開府

儀同三司餘如故

授吳承倩內侍省常侍制

勅漢置十二卿其一尚禁中之事所以司正伯之訓奉詔奏之嚴高選令才俾之參掌具官吳承倩行本於孝性周於仁直而能溫和而有節文以禮樂達於典章自晦吉人之辭深得侍臣之體久在樞近通乎宥密順以聽命未嘗越思咨而後行動不踰矩志全金石之固事絕絲毫之嫌勤職有功靜專端一往逢多故亦既居難遐想純誠近從賜服雖疇其効未獎其能省之貳官秩比千石懋茲寵授



念爾忠勞可內侍省常侍

惟知亦在朝要職一

致思存而於不健不備

之備新野并州之歸入

於以直而前感味而亦

奏之誠而盡公本野之

陳其言十一

外同三

欽定全唐文卷四百十四目錄

常袞五

加田神功實封制

加田承嗣實封制

減京兆尹以下俸錢制

褒勞勲臣制

喻安西北庭諸將制

劉晏宣慰河南淮南制

李涵河北宣慰制



欽定全唐文 卷四十四  
李涵再使河北制

臧希讓使朔方制

宣慰嶺南制

宣慰湖南百姓制

減徵京畿夏麥制

減徵京畿丁役等制

京兆府減稅制

放京畿丁役及免稅制

減淮南租庸地稅制

減京兆府秋稅制

免京兆府稅錢制

減京畿秋稅制



欽定全唐文卷四百十四

常袞五

加田神功實封制

勅土宇服章以敘其德田租帖食以答元勳故寇鄧兼四縣之封張陳加萬戶之數開府儀同三司檢校尚書左僕射使持節汴州諸軍事兼汴州刺史御史大夫充汴宋等州節度使觀察處置等使上柱國信都郡王食實封五百戶田神功間生河朔性與忠厚嘗秉大節服勞王家凡所委遇必當要重竭其公私益用親信入居百揆之右外作



四方之屏自河而南戎鎮斯大總兵車之所會賜鈇鉞以  
專征考禮正刑豐財禁暴敬事節用老安少懷懋乃丕績  
肆於時夏服我休命敬茲分土可加實封一百戶餘竝如  
故

加田承嗣實封制

勅懋策勲之賞則啟封邑賜真食之命方入田租故采地  
以處其子孫書社以尊其侯伯開府儀同三司檢校尚書  
左僕射兼魏州大都督府長史御史大夫兼魏博等州節  
度觀察處置及管內支度營田等使上柱國鴈門郡王食

實封二百戶田承嗣出自河朔挺茲才器公忠有素文武  
是經行惟高簡言必誠信委之腹心實所親重內列端揆  
外當藩翰距河作鎮瀕海撫封貞一以奉上明恕以臨下  
謀出韜鈴之外功成戰伐之前專精牧人盡瘁事國政刑  
必中都鄙有章訓以農耕之業課其蠶織之事家給而禮  
讓攸興氣和而札瘥不作舊章咸舉厥貢惟殷來東人之  
職勞首循吏之行理嘉命休績允茲褒勸食其井賦用協  
典常可加實封二百戶餘竝如故

減京兆尹以下俸錢制



金定全唐文 卷四十四  
勅輦轂之下封畿之內承前戶口五千餘萬京兆祿廩不  
過二百石俸錢不過三十貫降至下吏差次可知自頃艱  
虞且踰星紀歲有事邊之役人多盡室之行間井蕭然百  
不存一而府縣之俸十倍平時官高者因其使名數處請  
受位卑者假以職掌恣加優給致令所典之務移在他曹  
雖齊等倫頓異豐薄皆自常稅之外重斂而供浸弊則宏  
因循未改減我軍國之用因其疲耗之人豈計人置官之  
意度農制祿之法也四方取則其若是乎比下詔書務於  
勤恤將求致理切於澄源遂委中書門下條錄奏聞而躬

親簡括巨細精詳覽其名實之狀深歎過差之極革其既  
往制在惟新爰據高卑以之均節使人足以奉闕吏足以  
資家務有不急悉皆除去仍量閑劇權省官員胥徒廝役  
亦有蠲減費用既少困窮自安唯出正租更無徵率其京  
兆府及縣官月俸除正斷外不得輒有增加如判司參軍  
丞簿尉等有犯科錄事參軍及縣令如令長及錄事參軍  
及少尹有犯坐京尹畫一之令當在必因勸百之義固非  
末減各傲於位無近於刑

衰勞勲臣制



勅方伯連帥能修其職則勞之以璽書載之於正典式是  
羣岳歸於至公以勤其職頌聲興矣周禮以孟春之月懸  
法布令採詩觀俗亦褒理行之時也其有惠訓一方吏之  
表率朗然明舉固可首之某官某受任藩閩三年有成清  
節獨立以身率下化在於言前風行於疆外遠清西南之  
氛齊一華夷之俗憂國如家上下同體屬關輔連雨去秋  
非穰以豐財節用之餘資備邊出師之費雖給馬官渡足  
食成臯勤王助邊何以加此誠則垣翰之寄奉上無私亦  
將廉吏清風夙夜相勉也寐期休績至於再三詔書諭懷

### 宣示方鎮

喻安西北庭諸將制

勅天下既定萬里寧一豈王者獨運而臻此耶實賴文武  
將守腹心之臣宣力強任捍禦於外也往以蕃戎並暴縱  
毒邊表乘豐伺隙連兵累年城門晝閉王師遐阻遮殺漢  
使盜取節印恣睢橫厲甚逆天理而國朝未暇襲遠置於  
度外實五京二庭存亡危急之秋也河西節度使周鼎安  
西北庭都護曹令忠爾朱某等義烈相感貫於神明各受  
方任同獎王室率辛李之將用甘陳之謀與羌騎校尉王



後君長以下自金城玉關至於南北戊午踰流沙跨西海  
蒲類破白山戰爭致命出於萬死賴天之靈以戰則剋不  
動中國不勞濟師橫制數千里有輔車首尾之應以威以  
懷張我右掖稜振於絕域烈切於昔賢微三臣之力則度  
隍踰隴不復漢有矣每有使至說令忠等憂國勤王誠徹  
骨髓朝廷聞之莫不酸鼻流淚而況於朕心哉遐想攸攸  
耿歎何已或恐凶醜狡譎反復離間妄說國難搖動人心  
今所以疏其事實一以相報近有流落蕃中十數年者至  
闕庭知犬戎惡稔上疑下阻日就殘滅加之疾疫災及羊

馬山谷填委天亡之時及酋奴自速其禍諸蕃連衡以助  
進取力屈氣衰亡逃於苦寒之地西北邊患蕩然以清至  
於九夷南盡百越玉帛來朝於魏闕苞茅入貢於王祭黨  
項內附回中大寧天下郡國一其教理王畿征調漸復平  
時子儀移鎮於邠郊抱玉進攻於天水士馬百萬當令悉  
西方垣翰之寄所宜協心戮力抗厲威武同赴戎會也勉  
卒志業以時康功慶流子孫永久無替高映勲典豈不休  
哉每念戰守之士十年不得解甲白首戎陣忠勞未報心  
之惻怛不忘終食要當候大師所指窮荒蕩定懸爵位以



相待傾府庫之所有以答西州賢士大夫忘身報國之誠  
遣詔諭意非一二所能盡也

劉晏宣慰河南淮南制

勅書曰元后作人父母又曰一夫不獲則曰時子之辜政  
或不平訟或不理則人受其弊氣生其災噢咻連聲愁苦  
無告州縣長吏莫之省憂念茲疚懷中夜三歎朕以不德  
託於人上永言理道敢不勵精然自兵亂一紀事殷四方  
耕夫困於軍旅蠶婦病於餽餉欲求無事豈可得乎致令  
戶口減耗十無一二而河南淮南又甚諸道得非菑乘補

卒之數急賦橫稅之煩致使遑駭匪寧流庸不復兼亦親  
人之職少有政術稱者其於賦役多患不均靡室靡家皆  
籍其穀無衣無褐亦調其庸雖節制廉察皆務令條理而  
貪官冒法未絕姦源誅求無厭鰥寡重困永歎遐想過實  
在予巡撫之寄資於碩德某官某相府之舊道在安人自  
河之南天下之半底慎財賦衣食京師久於倚任多所宏  
濟因其旋南將命攸屬所至之處宣示詔書撫將校之勤  
勞問黎元之疾苦事有未便法或不行委之釐革歸於允  
當或假其征徭私有聚斂或託以貢獻公然乾沒厚取於



人歸怨於上虧損時化朕實懼焉宜委某與節度觀察切  
加疎理勿令寃濫以副憂勞其官吏有犯便禁身推問具  
狀聞奏當峻刑典以息貪殘

李涵河北宣慰制

門下河朔一隅地方千里外捍夷狄內輔成周撫勤王之  
師脩任土之貢顧其方鎮可謂崇重眷我侯伯是有勲勞  
且將相國之股肱兆庶君之支體事同休戚寧忘鑒昧思  
撫巡而未獲念征鎮而永懷爰命宗臣往申旨諭銀青光  
祿大夫行尚書左丞襄武縣開國公李涵朕之茂親腹心

攸寄純固所以致命文質所以經邦溫恭禮讓誠信易直  
勵匪躬之節秉憂國之心美其公才嘗所任委再令宣撫  
皆合事經既述謙誠之詞兼陳理化之績慰我憂念意甚  
嘉之今秋冬在候徭戍勤止將校有介胄之勞黎元有賦  
稅之役代予親問詔爾使臣仍兼副相之榮式重登車之  
務可兼御史大夫充河北宣慰使本官勲封如故

李涵再使河北制

勅書有施命以誥四方禮有誦志以巡邦國明王所以垂  
拱而天下理者非家至而日見之也實賴腹心耳目之臣



審訓命於外俾德澤教化敷於四海情有所達事適其宜  
上下交暢則天地之和應矣喻我朝旨寄於宗英銀青光  
祿大夫行尚書兵部侍郎襄武縣開國公李涵志以足言  
學於古訓安和好敬慎靜尚寬服居大僚常所親信每授  
重寄必揚休聲往以幽薊渤海之間戎府方州之大俾付  
王命以親諸侯至於再三秉此純一盡人臣之節罔或辭  
難徇國家之利豈憚勤遠信以協誠惠以交福周爰咨度  
不遑啟處朔陞寧晏敬賴親賢今以侯伯之勲勞師人之  
戍守顧其忠効宜有撫巡高選中朝允茲僉論加以丞相

之副增其原隰之華時維懋哉無替厥服可兼御史大夫  
充河北宣慰使餘如故

臧希讓使朔方制

勅元帥都虞候臧希讓冲明在躬質重成性閱禮樂以經  
武秉公忠而濟時夙傳金匱之符久總牙璋之律勲高坐  
樹業茂分茅中外洽其嘉聲始終全其勁節嘉乃公望簡  
於朕心惟彼朔方久罹邊患地卽興王之所人推奉上之  
誠言念勤勞豈忘慰恤宜應使乎之選式副往哉之寄

宣慰嶺南制



勅理天下者先務於遠安本人情者必令其上達或刑罰不中德信未孚則生怨咨是有申諭朕以服嶺之表方隅之大南盡百越專制萬里擇將置守常亦難之至於臨遣屢有明誠俾施惠政以息疲人而長吏議法不平作威以逞因其猜阻陷我忠良馮季康何如暎等南方右族累代純臣協其義烈之心積有艱危之効惑於所譖虐用其刑無狀致辟遂生邊患朕自託人上每勞日昃法天地之生成宏父母之慈愛聞此濫罰惕然疚懷尋亦辯明特令昭雪如聞溪洞尚有紛擾哀我庶士勞於甲兵豈不求安良

有以也所以更謀良帥先用舊德兼御史大夫徐浩歷典中外長於撫馭素所親信俾其鎮輯元冬之首當至彼方必能大布風化永清麾管仍命尚書比部員外郎莫藏用往嶺南宣慰問以疾苦弔其死喪其季康等遇害之家躬自存撫切加贍恤務令得所以慰孤遺其軍州所有結聚申明中旨懸示大信但能歸附卽是平人豈惟復業安居亦當隨才命職兼至桂州宣慰應水旱所損或須蠲免宜與觀察使商量處置勉膺朝寄以慰朕懷

宣慰湖南百姓制



勅震澤之南數州之地頃以水滂暴至沱潛潰溢既敗城郭復瀦原田連歲大歉元元重困餒殍相望流庸莫返加以師旅煩之以賦役哀我矜人何以堪命朕君臨之道猶鬱牧養之政未宏咎之所降諒在於此雖天災流行則有恒數而夕惕若厲豈忘責躬夫振人育物大易之明義也自漢魏以來水旱之處必遣使巡問以安集之國朝因其制焉亦命近臣慰撫俾喻求瘼之意用舒科泛之急宜令中散大夫給事中賀若察往湖南宣慰處置其百姓遭損不能自存者應須賑給蠲免宜與本道觀察使商量處

置訖聞奏仍齎詔書體問周恤宣示郡邑令悉朕懷

減徵京畿夏麥制

勅夏后氏五十而貢殷人七十而助周人百畝而徹其實皆什一也故謂之天下中正而頌聲作矣迺者因三代之制定其稅典務於行古庶以便人屬外攘四夷歲會戎事軍國用度公儲匱乏役費荐至近於倍征而吏或奉法不謹失我字人之意孤惇者恣其厚斂豪富者貸以輕徭動而生姦浸以流弊謂之什一其實太半致有去父母之邦甘保傭之役流離逋蕩靡室靡家或隕於死亡而莫之省



每一念至良深憫惻頃亦釐革從其便安量沃瘠之差寬賦斂之重今邦畿之內宿麥非稔去秋墾田又減常歲昨者徵稅其數頗多朕以萬姓不安三農將廢憂勤鬱悼中夜以興思有康濟未臻其道每欲悉免量入息其重困而未解兵嚴猶資日費用蠲恒數以恤疲人其京兆府今年所率夏麥宜於七萬碩內五萬碩放不徵二萬碩容至晚田熟後取雜色斛斗續納仍委京兆尹崔昭差少尹李椅于頔等分縣巡撫必躬親宣示朝章令知朕意

減徵京畿丁役等制

勅天之所命俾朕字人豈敢怠荒期於康濟勞精極慮十有四年務崇省約以訓天下訪其疾苦屢有蠲除公稅之差僅從盍徹宮衛之備仍罷踐更兼損服御用資軍國大去煩弊以休邦畿遊食之人悉歸南畝墾田之數漸復平時神降嘉生歲乃大熟震於珍物景福紛委蓋上元列聖之儲祉也豈寡昧之德而臻此耶夙夜祇惕永懷增懼然以令有緩急物有重輕故粟輕而易散錢重而難聚古人所謂糴之至賤與貴其傷一也如聞閭閻未免疾苦至乃以粟數斛易錢一緡雜以他徭難以償費轉用所寶念之



惻然深可重惜所宜節省其京兆應諸色番役等訪聞諸司或有徵課比緣時儉資數稍多估折皆賤不仍舊價其掌閑曠騎三衛及橋堰丁匠等如本司須徵資竝納錢三千米六斛其青苗地頭天下諸州每畝率錢十五頃以京師煩劇供應頗多苟從權宜遂倍其數自今以後宜準諸州例徵率朕以帝王之教人如父母之訓子所以至纖至悉必躬必親苟或使之豈憚煩也宣示百姓知朕意焉

京兆府減稅制

勅三代之時籍而不稅降及近古或至倍征承平則省於

經入有事則煩於荐費亦古今之常也朕勵精憂人夙夜勤約至如王制之定國用人曹之制地征必視豐穰與之上下然以邊未徹警十年於茲連五兵七卒之屯有賦與調食之重徵求橫作空耗吾人所以征地之數有踰常典頃者躬自節儉勵於三軍斂從其輕以減太半今舊穀既沒宿麥未登尚使餒殍相望流庸不返邦畿千里編戶大殘慮有自存之人未喻詔書之意臨時科率或恐增加以茲躊躇多不墾闢行及春暮田萊益荒屬膏雨霈然慮失農候故重明朝旨更減田租蓋畿內移運所餘全少山東



金定全唐文 卷四十四  
加運其助頗多朕又親統六師大閱戎籍事必精實自然  
蠲省京兆府夏麥上等每畝稅六升下等每畝稅四升荒  
田開佃者每畝稅二升秋稅上等每畝稅五升下等每畝  
稅三升荒田開佃者每畝稅二升比者百姓不安皆因稅  
重據其減數漸復平時頗有優當兼罷徭役加之誠勅又  
絕侵漁所宜鑿井耕田各勤生業自今已後必致康寧仍  
委京兆尹及令長分明宣示以勸東作躬親慰撫稱朕意  
焉  
放京畿丁役及免稅制

勅王者承天命以養人也愛之如身豈止如子餒者食之  
寒者衣之猶恐仁之不至愧悼之心惻隱於內而不能已  
也故天下有道藏於百姓古之使人不過三日可以長孺  
齒可以養孤老蓋太平至理之化何施而集於此乎朕承  
奉大業於茲八年不能恢宏至道被之六合雖德之寡昧  
未燭於理常亦憂勤損節以濟元元豈不知乾坤以易簡  
成物帝王以惇儉守位從賦斂之薄省哉然時或多故事  
非獲已屬外攘夷狄連歲備邊兵車之會不下十萬餉饋  
耗竭邦畿大殘又郊社宗廟之祀府庫賜與之用庶事之



費皆仰給焉急賦暴征日益煩重加以水旱相乘歲非豐  
熟方冬之首穀已翔貴又宿豪大猾橫恣侵漁致有半價  
倍稱分田劫假於是棄田宅鬻子孫蕩然逋散轉徙就食  
行者甚眾念之疚心夫安土重遷人之常性向非誅求之  
數豈去父母之邦哉蓋以朕不敏不明鬱於教化德之寡  
薄以至於斯傳曰百姓不足君孰與足書曰民非后何戴  
后非眾罔與守邦今縣內告病流亡不已失於撫育之道  
得不愧於心乎哀痛勤約明發不寐在予之情懼惕良深  
宜有蠲除以惠貧弱其京兆府今年秋稅於所徵數內減

仍賜緋魚袋

授元異侍御史制

勅朝議郎侍御史內供奉元異踐行直方秉心純密懿文  
經務持法奉公積勞既深令聞斯洽宜從職員之正式光  
風憲之選可侍御史散官如故

授蔣將明侍御史制

勅宣議郎殿中侍御史供奉東都留臺蔣將明祇服文儒  
精詳禮體持素範以行已秉清心而在公執法不違峻風  
自遠俾遷柱史分領臺綱可守侍御史東都留臺散官如



故

授崔益侍御史制

勅通議大夫侍御史內供奉前諸道營田使判官靈昌郡開國公崔益積德垂裕清才致遠久佐稷農之任仍參邦憲之列事必精當勤而有成宜正臺綱以明朝獎可侍御史散官封如故

授孫會侍御史制

勅朝散大夫侍御史內供奉充福建節度判官知上都留後賜緋魚袋孫會聞義執禮直以方外守信敦睦斷無他

卽宜具名條奏當峻刑賞庶使凋瘵之人僅子蘇息憂勤之志上達神明宣示詔書令知朕意

減淮南租庸地稅制

勅王者以豕宰制國用以司會質歲成必視豐荒之年以均輕重之數自近古以來天下郡縣或有水旱之處則亦減其田租休其力役不急之務不便於時亦皆節省以惠窮乏上天眷命屬朕元元敢不敬承勵於勤儉躬自菲薄刑於邦家非上薦宗廟下資師旅未嘗私於所奉更有徵求藏之於人孰謂不足迺者屢減邦賦以勸耕農而四時



金定全唐文卷四十四  
三  
罔愆九扈皆敘近自關右達於海隅溥其百穀之穰寧止  
三年之積非朕寡德所能臻茲蓋祖宗景靈被此嘉貺仰  
荷殊慶兢懷益深而淮南數州獨罹災患秋夏無雨田萊  
卒荒閭閻難食百賈皆震永念於此尤增憮然我心憂傷  
終夜不寐宜有蠲貸用安流亡其淮南今年租庸地稅所  
支米等宜三分放二楊洪宣等三州作坊往以軍興是資  
戎器既屬歲歉頗殘吾人徵材役工荐費尤甚惟務省約  
以息困窮亦宜并停宣示百姓知朕意焉

減京兆府秋稅制

勅頃以蕃寇猶虞王師未戢所資軍費皆出邦畿征調荐  
興日加煩重閭閻困竭人轉流亡念之疚懷旰食增懼近  
者省月更之役減歲入之租務於惠養冀有蘇息尚聞告  
病終未安居深用悼懷更思優卹今關輔諸屯墾田漸廣  
江淮轉漕常數又加在一年之儲有太半之助其於稅地  
固可從輕其京兆府來年秋稅宜分兩等上下各半上等  
每畝稅一斗下等每畝稅六升其荒田如有能開佃者宜  
準今年十月二十九日勅一切每畝稅二升仍委京兆尹  
及令長明申詔旨分榜鄉閭一一存撫令知朕意



免京兆府稅錢制

勅守位聚人有賦有稅所以奉宗廟之祀備水旱之災事之大經古今不易國家計其戶籍俾出泉貨著在令典謂之兩稅天下通制行之久矣自師旅荐興征調煩數法度多峻遂廢其名近舉舊章用遵薄賦施於中外其法一也屬歲會戎事聚於邦畿以鰥寡困窮之人當征徭力役之重久於供費皆至匱竭蕩然流散言念傷懷比之四方此實尤甚宜思蠲貸庶令蘇息其京兆府見差科百姓今年秋稅錢特宜放免

減京畿秋稅制

勅周以司會立經制漢以丞相校簿書量其國用差其稅典必以省費由之重輕公田之籍可謂通範履畝而稅斯誠弊法將期折中以便於時億兆不康君孰與足故愛人之體先於博施富國之源必在均節朕自臨宸極比屬艱虞亦嘗慕淳樸之風守沖儉之道每念黎庶思致和平而邊事猶殷戎車屢駕軍興取給皆屬邦畿九伐之師尚勤王畧千金之費重困吾人乃者遵冉有之言守周公之制什而稅一務於行古今則編戶流亡墾田減耗計量入之



欽定全唐文 卷四十四  
數甚倍征之法納隍之懼當宁軫懷慮失三農憂深萬姓  
務從省約稍冀蠲除用申勤卹之旨以救惇嫠之弊其京  
兆府所奏今年秋稅八十二萬五千石斛斗數內宜卽減  
一十七萬五千石委黎幹據諸縣戶口地數均平放免仍  
分明榜示百姓令知當戶所減斛斗數訖聞奏其應徵青  
苗地頭錢亦宜三分放一其先欠永泰元年地頭錢一十  
四萬九千一百四十一貫並宜放免除丁匠掌閑正番外  
至來年麥熟以來府縣一切更不得輒有科稅朕當躬儉  
節用以贍黎元中夏漸寧庶有康濟宣示百姓知朕意焉



